

**ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ  
ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ**

ք. Երևան

«05» «06» 2023 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ պետական մարմին), ի դեմս գլխավոր քարտուղար Հ. Հակոբյանի, որը գործում է պետական մարմնի կանոնադրության հիման վրա, մի կողմից, և Կինոյի և հեռուստատեսության զարգացման հայկական հիմնադրամ երեխաների և պատանիների համար «Ռուլան Բիկովի ֆոնդ» հիմնադրամը (այսուհետ՝ կազմակերպություն), ի դեմս կազմակերպության տնօրեն Ն. Մանուկյանի, որը գործում է կազմակերպության կանոնադրության հիման վրա, մյուս կողմից (այսուհետ միասին՝ կողմեր), հիմք ընդունելով ՀՀ կառավարության 2022 թվականի դեկտեմբերի 29-ի «ՀՀ 2023 թվականի պետական բյուջեի կատարումն ապահովող միջոցառումների մասին» N 2111-Ն որոշումը (այսուհետ՝ որոշում)՝ որոշման «1056. «Կինեմատոգրաֆիայի ծրագիր» ծրագրի «11005. Կինոարվեստի հանրահոգսակում» միջոցառման (տող՝ «Ռուլան» մանկապատանեկան ֆիլմերի միջազգային փառատոն») (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

**1. ՊԱՅՄԱՆԱԳՐԻ ԱՌԱՐԿԱՆ**

1.1. Սույն պայմանագրով պետական մարմինը պարտավորվում է ծրագրի իրականացման նպատակով կազմակերպությանը հատկացնել սույն պայմանագրով սահմանված վճարը, իսկ կազմակերպությունը պարտավորվում է սույն պայմանագրով սահմանված վճարի դիմաց սույն պայմանագրով սահմանված կարգով ու ժամկետում իրականացնել «Ռուլան» մանկապատանեկան ֆիլմերի 19-րդ միջազգային փառատոնի իրականացումը (այսուհետ՝ միջոցառումներ)՝ համաձայն սույն պայմանագրի անբաժանելի մաս կազմող՝

1.1.1. ծրագրի՝ Հավելված N 1,

1.1.2. նախահաշվի՝ Հավելված N 2:

**2. ԿՈՂՄԵՐԻ ԻՐԱՎՈՒՆՔՆԵՐԸ և ՊԱՐՏԱՎՈՐՈՒԹՅՈՒՆՆԵՐԸ**

**2.1. Պետական մարմինն իրավունք ունի՝**

2.1.1. ցանկացած ժամանակ (այդ թվում՝ ՀՀ ֆինանսների նախարարության և պետական այլ մարմինների միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,

2.1.2. կազմակերպությունից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին,

2.1.3. սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 6.2-րդ կետով նախատեսված տուգանքը, իսկ պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում՝ սույն պայմանագրի 6.3-րդ կետով նախատեսված տույժերը,

2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. առանց հիմնավոր պատճառի կազմակերպությունը ժամանակին չի սկսում միջոցառման իրականացումը, կամ միջոցառման իրականացման ժամանակ ակնհայտ է դառնում, որ այն պատշաճ չի իրականացվելու,



բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (սույն պայմանագրով կամ կանոնադրությամբ միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին,

2.1.5. կազմակերպության կողմից սույն պայմանագրի պահանջները չկատարելու դեպքում դադարեցնելու ֆինանսավորումը՝ մինչև թերությունների վերացումը,

2.1.6. կազմակերպության կողմից սույն պայմանագրով նախատեսված միջոցառումների ֆինանսական ծախսեր ենթադրող ոչ ֆինանսական ցուցանիշների թերակատարման դեպքում պահանջելու հետ վերադարձնել համապատասխան չափով հաշվարկված գումարը,

2.1.7. սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

## **2.2. Կազմակերպությունն իրավունք ունի՝**

2.2.1. պետական մարմնից պահանջելու ընդունել սույն պայմանագրի 1.1-ին կետում նշված և կազմակերպության կողմից պատշաճ ձևով ու կարգով կատարված միջոցառումները,

2.2.2. պետական մարմնից պահանջելու վերացնել կազմակերպության գործողություններից (անգործությունից) անկախ՝ պետական մարմնի մեղքով սույն պայմանագրի կատարման համար առաջացած խոչընդոտները կամ վերանայել սույն պայմանագրի պայմանները,

2.2.3. իրականացված միջոցառումների արդյունքը պետական մարմնի կողմից ընդունվելու և պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները,

2.2.4. վաղաժամկետ լուծելու սույն պայմանագիրը՝ սույն պայմանագրով կամ Հայաստանի Հանրապետության օրենսդրությամբ սահմանված կարգով և դեպքերում,

2.2.5. անհրաժեշտության դեպքում սույն պայմանագրի անբաժանելի մաս կազմող նախահաշվով նախատեսված ծախսային ուղղությունների միջև և (կամ) ծախսային ուղղությունների տողերի միջև իրականացնել համապատասխանաբար յուրաքանչյուր ծախսային ուղղության և ծախսային ուղղության տողերի գումարի 10 տոկոսի չափով շեղում՝ չխախտելով վճարումների համար սահմանված նորմերը:

## **2.3. Պետական մարմինը պարտավոր է՝**

2.3.1. Հայաստանի Հանրապետության օրենսդրությամբ և (կամ) ծրագրով նախատեսված դեպքերում իր և կազմակերպության կանոնադրություններով սահմանված իրավասությունների շրջանակներում աջակցել կազմակերպությանը, այդ թվում՝ կազմակերպությանը ցուցաբերել մեթոդական և կազմակերպական օգնություն,

2.3.2. ընդունել սույն պայմանագրի պահանջներին համապատասխան կազմակերպության կողմից պատշաճ ձևով ու կարգով կատարված միջոցառումները և հաշվետվությունները,

2.3.3. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.3.4. իրականացված միջոցառումների մասին ներկայացված ֆինանսական և բովանդակային հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 20 աշխատանքային օրվա ընթացքում: Հաշվետվություններում թերություններ հայտնաբերվելու դեպքում դրանք վերադարձվում են կազմակերպությանը լրամշակման՝ սահմանելով խելամիտ ժամկետներ: Եթե ներկայացված հաշվետվությունների համաձայն իրականացված միջոցառումները համապատասխանում են ծրագրի և սույն պայմանագրի պահանջներին, ապա դրանք ընդունվում են,

2.3.5. իրականացնել սույն պայմանագրով նախատեսված այլ աշխատանքներ:

## **2.4. Կազմակերպությունը պարտավոր է՝**



2.4.1. սույն պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաքանակներով՝ համաձայն սույն պայմանագրի 1.1-ին կետի,

2.4.2. ժամանակին, պատշաճ ձևով ու կարգով կատարել սույն պայմանագրի 1.1-ին կետով նախատեսված միջոցառումները,

2.4.3. պետական մարմնի պահանջով նրան հաղորդել տեղեկատվություն միջոցառումների կատարման ընթացքի մասին,

2.4.4. սույն պայմանագրով սահմանված պարտավորություններն իրականացնել պետական մարմնի կողմից հաստատված մեթոդական ցուցումների, հրահանգների և այլ իրավական ակտերի (փաստաթղթերի) պահանջներին համապատասխան,

2.4.5. պետական մարմնին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ դրանք վերացնելու համար,

2.4.6. սույն պայմանագրի գործողության ընթացքում ապահովել միջոցառումների իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,

2.4.7. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.8. սույն պայմանագրի 4.1-ին կետով սահմանված ժամկետներում պետական մարմնին ներկայացնել հաշվետվություններ (ֆինանսական և բովանդակային) կատարված ծախսերի և իրականացված միջոցառումների մասին: Ֆինանսական հաշվետվությունը ներկայացվում է սույն պայմանագրի Հավելված N 3-ով սահմանված ձևանմուշով՝ նկատի ունենալով, որ փաստացի ծախսերը հիմնավորող հաշվապահական և այլ փաստաթղթերը գտնվում են կազմակերպության մոտ և վերջինս պատասխանատվություն է կրում ֆինանսական հաշվետվությամբ ներկայացված տվյալների իսկության համար, իսկ բովանդակայինը՝ ամբողջական տեղեկատվություն միջոցառումների իրականացման և ընթացքի մասին, այդ թվում արդյունքների գնահատումը, մասնակիցների քանակը, կցելով համապատասխան նյութեր (լուսանկարներ, ազդագրեր, հրավիրատոմսեր, մամուլի հրապարակումներ և այլ տեղեկատվական նյութեր)՝ էլեկտրոնային կրիչներով,

2.4.9. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.10. հրապարակել պետական մարմնի անունը, իսկ համաֆինանսավորման դեպքում տրամադրել ամբողջական տեղեկատվություն՝ ծրագրին աջակցող կազմակերպության, ֆինանսավորման չափի և վերջինիս հետ ձեռք բերված այլ պայմանավորվածությունների մասին,

2.4.11. սույն պայմանագրից բխող միջոցառումները չկատարելու դեպքում վերադարձնել պետական մարմնի կողմից տրամադրված գումարը և վճարել տուգանք սույն պայմանագրի 3.1-ին կետում նախատեսված գումարի 5,0 (հինգ) տոկոսի չափով,

2.4.12. իրականացնել միջոցառումների շրջանակներում պետական մարմնի կողմից տրամադրված գումարների հաշվապահական հաշվառման վարում՝ Հայաստանի Հանրապետության օրենսդրությամբ սահմանված կարգով,

2.4.13. միջոցառումների իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով,

2.4.14. սույն պայմանագրով սահմանված միջոցառումների իրականացման արդյունքում առաջացած տնտեսումների, ինչպես նաև չհիմնավորված ծախսերի գումարները վերադարձնել



«ԱՅԵՏԱԿԱՆ ԲՅՈՒՋԵՆ՝ ՈՋ ՈՒՉ ԶԱՆՍՍՈՒՄԻ ԱՎԱՅՄԱՆԱԳՐԻ 4.1-ԻՆ ԿԵՏՈՎ ԿԱԶՎԵՏՎՈՒԹՅՈՒՆՆԵՐԻ ԿԱՄԱՐ ՍԱԽՄԱՆՎԱԾ ԺԱՄԿԵՏԻԳ ԻԵՏՈՒ 20 ՕՐՎԱ ԸՆԹԱԳՔՈՒՄ:

### 3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ

3.1. Սույն պայմանագրի 1.1-ին կետում նշված միջոցառումների իրականացման համար պետական մարմինը կազմակերպությանը հատկացնում է 3000.0 հազար (երեք միլիոն) դրամ՝ (ներառյալ հարկերը, տուրքերը և պարտադիր այլ վճարները)՝ համաձայն Հավելված N 2-ի:

3.2. Սույն պայմանագրի 3.1-ին կետում սահմանված գումարի 80 %-ը կազմակերպությանը հատկացվում է **հուլիս** ամսին, իսկ 20 %-ը՝ սույն պայմանագրի 5.1-ին կետով նախատեսված հանձնման-ընդունման արձանագրությունը ստորագրելուց հետո՝ կազմակերպության հաշվեհամարին փոխանցելու միջոցով:

3.3. Համաձայն «ՀՀ 2023 թվականի պետական բյուջեի մասին» ՀՀ օրենքի 7-րդ հոդվածի 23-րդ մասի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2023 թվականի ընթացքում ենթակա են վերադարձման ՀՀ պետական բյուջե:

### 4. ՊԱՅՄԱՆԱԳՐԻ ԺԱՄԿԵՏԸ

4.1. Սույն պայմանագրով նախատեսված միջոցառումների կատարման ժամկետը մինչև 2023 թ. նոյեմբերի 21-ն է, իսկ հաշվետվությունների ներկայացման ժամկետը՝ մինչև սույն պայմանագրով նախատեսված միջոցառումների կատարման ավարտին հաջորդող 30-րդ օրացուցային օրը, սակայն ոչ ուշ, քան 2023 թվականի դեկտեմբերի 10-ը:

4.2. Սույն պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների ամբողջ ծավալով կատարումը:

### 5. ԱՇԽԱՏԱՆՔՆԵՐԻ ԸՆԴՈՒՆՄԱՆ ԿԱՐԳԸ

5.1. Սույն պայմանագրի 1.1-ին կետում նշված և ամբողջությամբ կատարված միջոցառումները կազմակերպության կողմից ներկայացվում են պետական մարմնի ընդունմանը ոչ ուշ, քան սույն պայմանագրով սահմանված ժամկետում: Պետական մարմնի կողմից դրանց ընդունման դեպքում այդ մասին կազմվում է հանձնման-ընդունման արձանագրություն (Հավելված N 4):

### 6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

6.1. Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2. Սույն պայմանագրի 1.1-ին կետով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները կազմակերպության կողմից չպահպանելու դեպքում վերջինս պետական մարմնին վճարում է տուգանք՝ ոչ պատշաճ կատարված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում ժամկետների խախտմամբ իրականացված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից:

6.3. Սույն պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում կազմակերպությունը պետական մարմնին վճարում է տույժ՝ պայմանագրի գնի 0.05 (զրո ամբողջ հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար՝ սույն պայմանագրի չկատարված մասի գնի նկատմամբ:



6.4. Սույն պայմանագրի 6.2-րդ և 6.3-րդ կետերով նախատեսված տուգանքը և տույժը կարող է հաշվարկվել և հաշվանցվել միջոցառումների իրականացման արդյունքում կազմակերպությանը վճարման ենթակա գումարների հետ:

6.5. Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում << օրենսդրությամբ սահմանված կարգով:

6.6. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6.7. Սույն պայմանագրով կազմակերպության կողմից ստանձնված պարտավորությունները չկատարելու կամ ոչ պատշաճ կատարելու հիմքով սույն պայմանագիրը միակողմանի լուծելու մասին ծանուցումը պետական մարմինը հրապարակում է իր պաշտոնական կայքում՝ նշելով հրապարակման ամսաթիվը: Կազմակերպությունը համարվում է սույն պայմանագիրը միակողմանի լուծելու մասին պատշաճ ծանուցված՝ ծանուցումը կայքում հրապարակվելուն հաջորդող օրվանից: Սույն պայմանագիրը միակողմանի լուծելու մասին ծանուցումը կայքում հրապարակվելու օրը ուղարկվում է նաև կազմակերպության էլեկտրոնային փոստին:

6.8. Սույն պայմանագրի կնքումից հետո 3-օրյա ժամկետում կազմակերպության անվանումը, գտնվելու վայրը, կազմակերպության կողմից դրամաշնորհ ստանալու համար ներկայացված ծրագիրը հրապարակվում են պետական մարմնի պաշտոնական ինտերնետային կայքէջում:

6.9. Կազմակերպությունը սույն պայմանագրով նախատեսված ժամկետներում պետական մարմնին ներկայացնում է միջոցառումների կատարման վերաբերյալ հաշվետվություն, որը պետական մարմնի կողմից ընդունվելուց հետո 3-օրյա ժամկետում հրապարակվում է պետական մարմնի պաշտոնական ինտերնետային կայքէջում՝ բացառությամբ անձի եկամուտներին վերաբերող դրամաշնորհային պայմանագրերի:

## 7. ՄՈՆԻԹՈՐԻՆԳԸ

7.1. Պետական մարմինը միջոցառումների իրականացման արդյունքների համապատասխանության գնահատման նպատակով իրականացնում է մոնիթորինգ:

7.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

7.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

7.4. Պետական մարմինը ցանկացած ժամանակ կարող է միջոցառումների շրջանակներում իրականացնել մոնիթորինգ՝ ուսումնասիրելով միջոցառումներին առնչվող ցանկացած փաստաթղթեր և նյութեր:

7.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

## 8. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են



դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

### 9. ԵԶՐԱՓՈՎԱԿԻՉ ԴՐՈՒՅԹՆԵՐ

9.1. Սույն պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.2. Սույն պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.3. Սույն պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

### 10. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐՆ ՈՒ ԱՏՈՐԱԳՐՈՒԹՅՈՒՆՆԵՐԸ

#### ՊԵՏԱԿԱՆ ՄԱՐՄԻՆ

#### ԿԱԶՄԱԿԵՐՊՈՒԹՅՈՒՆ

«Հ կրթության, գիտության, մշակույթի  
և սպորտի նախարարություն

«Կինոյի և հեռուստատեսության զարգացման  
հայկական հիմնադրամ երեխաների պատանիների  
համար «Ռուլան Բիկովի ֆոնդ» հիմադրամ

ք. Երևան, Վազգեն Սարգսյան 3  
Կառավարական տուն 2

ՀՀ ՖՆ գործառնական վարչություն  
Հ/Հ 900011033348 ՀՎՀՀ 02698732

ք. Երևան, Վարդանանց 8 փակուղի  
«Հայրիզնես բանկ» ՓԲԸ  
Հ/Հ 115007090174, ՀՎՀՀ 01542033  
Հեռ.՝ 091 88 68 80

Գլխավոր քարտուղար՝  
*Զ. Հակոբյան*  
(ստորագրություն)  
Կ.Տ.  
02698732

Տնօրեն՝  
Ն. Մանուկյան  
(ստորագրություն)  
Կ.Տ.

**Ծ Ր Ա Գ Ի Ր**

**«Ռուլան» մանկապատանեկան ֆիլմերի 19-րդ միջազգային փառատոնի իրականացման**

1	Կազմակերպության անվանում	Կինոյի և հեռուստատեսության զարգացման հայկական հիմնադրամ երեխաների և պատանիների համար «Ռուլան Բիկովի ֆոնդ» հիմնադրամ
2	Կազմակերպության գտնվելու վայր	Աբովյան 3/1, բն. 3, 0010, ք. Երևան, Հայաստանի Հանրապետություն
3	Ծրագրի անվանում	«Ռուլան» մանկապատանեկան ֆիլմերի 19-րդ միջազգային փառատոն
3.1	Բովանդակություն	<p>«Ռուլան» մանկապատանեկան ֆիլմերի միջազգային 19-րդ փառատոնը, այս տարի նախատեսվում է իրականացնել 31.10.2023-4.11.2023՝ Երևանում, ՀՀ 2 մարզերում (Գեղարքունիք (ք. Գավառ), Տավուշ (ք. Իջևան), որը կազմակերպում է Հայաստանի «Ռուլան Բիկով» հիմնադրամը: «Ռուլան» ՄՖՄՓ նվիրված կլինի Հայ կինոյի հարյուրամյա տարելիցին:</p> <p>Փառատոնի շրջանակներում նախատեսվում է իրականացնել ֆիլմերի ցուցադրություններ, ստեղծագործական հանդիպումներ, պրեմիերաներ, հետահայաց և հատուկ ցուցադրություններ Երևանում, ՀՀ վերոնշյալ մարզերում՝ առավելագույնս ներգրավելով և մասնակից դարձնելով երեխաներին ու երիտասարդներին՝ հասարակության տարբեր սոցիալական շերտերից (այդ թվում՝ մանկատներից, ծայրահեղ անապահով ընտանիքներից, սահմանափակ կարողություններով երեխաներից և այլն):</p> <p>Հայ կինոյի հարյուրամյակին ընդառաջ Փառատոնի շրջանակներում կիրականացվեն հետևյալ ծրագրերը՝</p> <ul style="list-style-type: none"> <li>• “Հայկական ֆիլմերի Համայնապատկեր-100” Ծրագրում ընդգրկված կլինեն հայկական արտադրության լավագույն ֆիլմերի, մուլտֆիլմերի, անիմացիոն աշխատանքների ցուցադրություններ և կկազմակերպվեն ստեղծագործական հանդիպումներ հայ ռեժիսորների հետ (Կինոկենտրոն, Ֆիլմադարան և այլն):</li> <li>• “Երեխաները երեխաների համար” Ծրագրում ընդգրկված կլինեն երեխաների կողմից</li> </ul>



		<p>նկարահանված ֆիլմեր և անիմացիոն աշխատանքներ (ԹՌԻՄՈ, ԱՅԲ և այլն):</p> <p>Սպասվում է հետաքրքիր և բովանդակալից փառատոնային ծրագիր, որի պատշաճ իրականացման համար փառատոնի նախապատրաստական աշխատանքները մեկնարկելու են օգոստոսի 20-ից:</p>
3.2	Նպատակ	<ol style="list-style-type: none"> <li>1. «Ռուլան» ՄՖՄՓ-ի հիմնական նպատակներից է Ստեղծել նպաստավոր պայմաններ՝ օգտագործելով փառատոնը որպես միջազգային հարթակ երեխաների, պատանիների և երիտասարդների համար՝ հնարավորինս շատ ներգրավելու փառատոնի շրջանակներում իրականացվող կրթամշակութային, սոցիալական և այլ միջոցառումներին (Երևանում, ՀՀ մարզերում (Գեղարքունիք/Տավուշ)՝ այսպիսով նպաստելով տաղանդավոր մանուկների ու պատանիների բացահայտմանը, նրանց գեղագիտական դաստիարակությանը, ստեղծագործական ունակությունների զարգացմանը, կրթության և մշակույթի փոխադարձ կապի ապահովմանը:</li> <li>2. Ապակենտրոնացնել փառատոնային ծրագիրը և միջոցառումները Երևանից դեպի ՀՀ մարզեր (Գեղարքունիք/Տավուշ)՝ կազմակերպելով միջոցառումներ, հնարավորինս շատ ներգրավել մարզաբնակ հանրությանը փառատոնին:</li> <li>3. Նպաստել տաղանդավոր երեխաների, երիտասարդ կինոգործիչների մասնակցությանը փառատոնին՝ խթանելով ստեղծագործական կարողությունների լիարժեք արտահայտմանը/իրացմանը, հնարավորություն ընձեռել ներկայացնելու դեբյուտային ստեղծագործական ծրագրեր:</li> <li>4. Ներգրավել և անմիջական մասնակից դարձնել երեխաներին և երիտասարդներին հասարակության բոլոր շերտերից (այդ թվում՝ մանկատներից, ծայրահեղ անապահով ընտանիքներից, սահմանափակ կարողություններով և այլն) փառատոնին և փառատոնային բոլոր ծրագրերին՝ նպաստելով մշակույթին հաղորդակից լինելու նրանց իրավունքի իրացմանը:</li> <li>5. Նպաստել Հայ մանկապատանեկան կինոյի և անիմացիայի տարածմանը ՀՀ-ում և արտերկրում</li> </ol>



		Հայ կինոյի հարյուրամյա տարելիցին ընդառաջ:
3.3	Անցկացման ժամկետ	20.08.2023 – 20.11.2023 Բուն փառատոնը՝ 31.10.2023թ.- 4.11.2023թ.
3.4	Անցկացման վայր	Երևան, Գեղարքունիք (ք. Գավառ), Տավուշ (ք. Իջևան)
3.5	Ակնկալվող արդյունքներ	<ul style="list-style-type: none"> <li>Միջոցառումներով ու նոր նախաձեռնություններով հազեցած փառատոնային ծրագրի իրականացում հատկապես ներգրավելով երեխաների, պատանիների և երիտասարդների (ֆիլմերի ցուցադրություններ, քննարկումներ, պրեմիերաներ, հանդիպումներ), ինչը կնպաստի գեղագիտական դաստիարակությանը, կրթության և մշակույթի փոխադարձ կապի ամրապնդմանը, տաղանդավոր մանուկների, պատանիների, երիտասարդ կինոգործիչների բացահայտմանը, նրանց կրթության և ստեղծագործական ունակությունների զարգացմանն ու ինքնադրսևորմանը</li> <li>Փառատոնային ծրագրերի ապակենտրոնացում մայրաքաղաքից ՀՀ մարզեր՝ տեղում միջոցառումների իրականացման միջոցով, ինչը կնպաստի մարզերում մշակութային կյանքի ակտիվացմանն ու աշխուժացմանը,</li> <li>Փառատոնի և հատուկ ծրագրերի պատշաճ իրականացում, ինչը կնպաստի մեր երկրի, մեր մշակութային արժեքների ու ավանդույթների լավագույնս ներկայացմանն, Հայ կինոյի տարածմանը, մանկապատանեկան կինոյի զարգացմանն ու հանրահոշակմանը, աճող սերնդի աշխարհայացքի ընդլայնմանը, ազգային և համամարդկային արժեքների դաստիարակությանը և զարգացմանը, երեխաների և պատանիների բովանդակալից ժամանցի կազմակերպմանը, երիտասարդ ստեղծագործական ներուժի հայտնաբերմանը և խրախուսմանը</li> </ul>
3.6	Ոչ ֆինանսական ցուցանիշներ	60-ից ավելի ֆիլմերի ցուցադրություններ Երևանում, ՀՀ մարզերում (Գեղարքունիք/Տավուշ) 2 հատուկ ծրագիր՝ <ol style="list-style-type: none"> <li>“Հայկական ֆիլմերի Համայնապատկեր-100”</li> <li>“Երեխաները երեխաների համար”</li> </ol> ԶԼՄ՝ նվազագույնը 5 լրատվամիջոցի կողմից լուսաբանում Կատալոգի տպագրություն՝ 300 հատ



Մասնակիցներ և հանդիսատես՝ 1800 անձ (Երևանից, ՀՀ մարզերից՝ բացառապես բարեգործական սկզբունքներով)

**ՊԵՏԱԿԱՆ ՄԱՐՄԻՆ**

ՀՀ կրթության, գիտության, մշակույթի  
և սպորտի նախարարություն

ք. Երևան, Վազգեն Սարգսյան 3  
Կառավարական տուն 2  
ՀՀ ՖՆ գործառնական վարչություն  
Հ/Հ 900011033348 ՀՎՀՀ 02698732

Գլխավոր քարտուղար՝  
*L. L. L.* Հ. Հակոբյան  
(ստորագրություն)



**ԿԱԶՄԱԿԵՐՊՈՒԹՅՈՒՆ**

«Կինոյի և հեռուստատեսության զարգացման  
հայկական հիմնադրամ երեխաների  
պատանիների համար «Ռուլան Բիկովի ֆոնդ» ՀԿ  
ք. Երևան, Վարդանանց 8 փակուղի  
«Հայբիզնես բանկ» ՓԲԸ  
Հ/Հ 115007090174, ՀՎՀՀ 01542033  
Հեռ.՝ 091 88 68 80

Տնօրեն՝  
Ն. Մանուկյան  
(ստորագրություն)  
Կ.Տ.





**Ն Ա Խ Ա Ա Շ Ի Վ**

«Ռուլան» մանկապատանեկան ֆիլմերի 19-րդ միջազգային փառատոնի իրականացման ծախսերի

N	Ծախսատեսակների անվանումը	Չափման	Քանակ	Միավորի գինը (դրամ)	Գումարը, (հազար դրամ)
1.	Աշխատանքի վարձատրություն (ներառյալ հարկերը)*, այդ թվում՝				1 890,0
1.1	Ծրագրի ղեկավար/տնօրեն	ամիս	3	250 000	750,0
1.2	Հաշվապահ	ամիս	1	95 000	95,0
1.3	Համակարգող (ծրագրերի)	ամիս	2	120 000	240,0
1.4	Համակարգող (միջազգային կապերի)	ամիս	2	120 000	240,0
1.5	Համակարգող (մարքեթինգի և գովազդի)	ամիս	1	120 000	120,0
1.6	Դիզայներ (թվային կատալոգի և տպագրական նյութերի)	ամիս	1	120 000	120,0
1.7	Կատալոգային տեքստի թարգմանիչ	ամիս	1	70 000	70,0
1.8	Կատալոգային տեքստերի խմբագիր	ամիս	1	115 000	115,0
1.9	լրսանկարիչ	օր	7	20 000	140,0
2.	Կատալոգի տպագրության ծառայություն՝ 300 հատ x 1800 դրամ = 540000 դրամ	հատ	1	540 000	540,0
3.	Առցանց գովազդ	ամիս	1	70 000	70,0
	ԸՆԴԱՄԵՆԸ				2 500,0
	ԱԱՀ**				500,0
	ԸՆԴԱՄԵՆԸ, ներառյալ				3 000,0

\* Ծախսերը պետք է իրականացվեն բացառապես ՀՀ աշխատանքային օրենսգրքով սահմանված կարգով

\*\* ԱԱՀ-ի գծով լրացուցիչ հասկացումները որպես հարկային պարտավորություն ենթակա են վճարման Կազմակերպության կողմից որպես ԱԱՀ, հակառակ դեպքում

**ՊԵՏԱԿԱՆ ՄԱՐՄԻՆ՝**

**ԿԱԶՄԱԿԵՐՊՈՒԹՅՈՒՆ՝**

ՀՀ կրթության, գիտության, մշակույթի և սպորտի նախարարություն

«Կինոյի և հեռուստատեսության զարգացման երեխաների պատանիների համար

ք. Երևան, Վազգեն Սարգսյան 3

Կառավարական տուն 2

ՀՀ ՖՆ գործառնական վարչություն

Հ/Հ 900011033348 ՀՎՀՀ 02698732

«Ռուլան Բիկովի ֆոնդ» հիմնադրամ ք. Երևան, Վարդանանց 8 փակ.

«Հայրիզնես բանկ» ՓԲԸ

Հ/Հ 115007090174, ՀՎՀՀ 01542033

Հեռ՝ 091 88 68 80

գլխավոր քարտուղար՝

տնօրեն՝

Հակոբյան  
(ստորագրություն)

Ն. Մանուկյան

(ստորագրություն)





ՖԻՆԱՆՍԱԿԱՆ ՀԱՇՎԵՏՎՈՒԹՅԱՆ ՓԱՍՏԱԹՂԹԵՐԻ ԱՄՓՈՓԱԹԵՐԹ

Կատարող կազմակերպությունը \_\_\_\_\_

Ծրագրի անվանումը \_\_\_\_\_

NN	Նախահաշվի հոդվածը	Գումարը՝ համաձայն նախահաշվի (դրամով)	Փաստացի գումարը (դրամով)	Շեղումը նախահաշվի համեմատ (+- դրամով)	Հոդվածի ծախսը հավաստող փաստաթղթի անվանումը, համարը և ամսաթիվը
1					
2					
3					
	Ընդամենը				

«\_\_\_» \_\_\_\_\_ 2023 թ.

Կատարող կազմակերպության ղեկավար

ՓԱՍՏԱԹՂԹԵՐՆ ԸՆԴՈՒՆԵՑ՝

\_\_\_\_\_/\_\_\_\_\_/\_\_\_\_\_  
 (անուն-ազգանուն) (ստորագրություն)  
 պատասխանատու՝

ՀՀ ԿԳՄՍ նախարարության

Կատարող կազմակերպության  
 գլխավոր հաշվապահ  
 (անուն-ազգանուն) (ստորագրություն)

\_\_\_\_\_/\_\_\_\_\_/\_\_\_\_\_  
 (անուն-ազգանուն) (ստորագրություն)



Հավելված N 4

«05» «06» 2023 թ.

N ՄՇԴ-264 -2023 պայմանագրի

ԿԱԶՄԱԿԵՐՊՈՒԹՅՈՒՆ՝

**ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի և սպորտի նախարարություն  
Երևան, Կառավարական տուն 2  
ՀՎՀՀ՝ 02698732

Հասցե՝

**Ա Ր Զ Ա Ն Ա Գ Ր ՈՒԹՅՈՒՆ  
ՀԱՆՁՄԱՆ - ԸՆԴՈՒՆՄԱՆ**

ք. Երևան

« » « » 2023 թ.

Պայմանագրի համարն ու կնքման ամսաթիվը N

Պետական մարմին՝ ի դեմս ՀՀ կրթության, գիտության, մշակույթի և սպորտի նախարարության գլխավոր քարտուղար \_\_\_\_\_,

(անուն ազգանուն)

և Կազմակերպությունը, ի դեմս \_\_\_\_\_ -ի տնօրեն

կազմակերպության անվանում

\_\_\_\_\_, ի, հիմք ընդունելով պայմանագրի կատարման վերաբերյալ

(անուն ազգանուն)

բովանդակային վարչության « » « » 2023 թ.-ի եզրակացությունը, ինչպես նաև նախարարության հաշվապահական հաշվառման վարչության « » « » 2023 թ.-ի թիվ Ե - ՄՇԴ- եզրակացությունը, կազմեցին սույն արձանագրությունը հետևյալի մասին.

Կազմակերպությունը պայմանագրի շրջանակներում իրականացրել է \_\_\_\_\_ միջոցառումը, իսկ Պետական մարմինն վճարել է դրա դիմաց՝ պայմանագրով սահմանված կարգով և չափով:

**ՊԵՏԱԿԱՆ ՄԱՐՄԻՆ՝**

**ԿԱԶՄԱԿԵՐՊՈՒԹՅՈՒՆ՝**

ՀՀ կրթության, գիտության, մշակույթի և սպորտի նախարարություն

Գլխավոր քարտուղար՝ \_\_\_\_\_

Տնօրեն՝ \_\_\_\_\_

Գլխավոր քարտուղարի տեղակալ՝ \_\_\_\_\_